

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqquq imaattoq saqqummiuppara:

**Naalackersuisunut apeqquq:**

- 1. Inuit ilaqutariillu pissakinnerusut akunnattumillu isertitaqartartut , inissiami illumiluunniit pisortanit pigineqartumi, minnerpaamik ataavartumik ukiuni 25- ini najungaqarsimasunut, immikkut ittumik inigisamut akikillisaataasinnaasumik Naalackersuisut qanoq iliuuseqarsinnaappat ?**
- 2. Inigisamut tapiissutit ullumikkut pioreersut saniatigut, inunnut pissakinnerusunut akunnattumillu isertitaqartartunut inigisamut oqilisaassinissaq siunertaralugu Naalackersuisut qanoq iliuuseqarniarpat ?**
- 3. Atorfillit atorfimminnut atatillugu inimut neqeroorummut narrusinnaatitaappat?**

(Inatsisartunut ilaasortaq, Anthon Frederiksen, Partii Naleraq)

**Tungavilersuut:**

Naalackersuisooqatigiinnissamut isumaqatigiissutitsinni ilaatigut imannak allaqqasoqarpoq:

“Nunatsinni utoqqanngorluni inooqataaneq nuannersuussaaq. Utoqqaat illoqarnikkut sussassareqatigiinnikkut aningaasaqarniarnikkullu atugarissaartut inuiqatigiinni suleqataajuarnissamut piumassuseqassapput, taamaattumik utoqqaat ajunngitsunik atugaqarnissaat periarfissaqartitaanissaallu naalackersuisooqatigiit sulissutigissavaat”

A/S IIN-ip naatsorsuutai tamanit takuneqarsinnaasut kingulliit ilaatigut takutippaat, inissiat A/S INI-mit allaffissornikkut ingerlanneqartut katillugit 9600 missaaniittut, taakkunanngalu 6200 missai Namminersorlutik Oqartussanit pigineqartut.

Taamaattorli takuneqarsinnaangilaq ineqartut qassit ukiorpassuani aalajaallutik illumi inigisamiluunniit aaliangersimasumi Namminersorlutik Oqartussat inissiaataanni illuutaanniluunniit najungaqartuunersut.

AI 2017-imi akuersissutigineqarneranut atatillugu oqaasertaliussat ilaanni Naalakkersuisut kommuninut ataasiakkaanut Namminersorlutik Oqartussat inissiaataannik 1.1.2018-imiit akeqanngitsumik tunniussinissaq siunertaralugu isumaqatiginninniarnissamut isumaqatigiissuteqarnissamullu piginnaatinneqarput. Isumaqatiginninniarnerni Namminersorlutik Oqartussat inissiaarsuaataannut pilersaarutit, 2017-imi qaammatini siullerni pingasuni piareertussat tungavigalugit ingerlanneqarnissaat naatsorsuutigineqarpoq.

Assersuutigineqarsinnaapput utoqqaat appariit akuersinermikkut imannak paasissutissiinerat, tamarmik immikkut skat-ti peereerlugu qaammammut 6.850, - kr-inik utoqqalinersiutillit, illumut attartortittakkamut Namminersorlutik Oqartussanik pigineqartumut ukiuni 30-inngulersuni najungaqarfigisaminnut qaammammut ineqarnermut, kiassarnermut, kallerup inneranut eqqaavinnut, telefonimullu katillugit 10.327,79 kr-inik akiliisarput.

Tupinnaqaaq paasiuminaallunilu utoqqaat ukiorpassuarni inuiqatigiinnut sullissilluareersimallutik aningaasaqarnikkut taama ajortigisumik inissisimalertarnerat.

Taamaammat tamanit takuneqarsinnaavoq, inigisamik illumilluunniit Namminersorlutik Oqartussanik pigineqartumik inigisamut akiliutitigut apparsaasinnaanermut periarfissaareersut utoqqaat aningaasaqarnerannut naapertuutigilluinnartut .

Taamaattumik utoqqaat aamma inuit ilaqutariillu inuiaqatigiinni aningaasatigut inissisimanerluttut, assersuutigalugu minnerpaamik ukiuni 25-ini inigisami illumiluunniit Pisortanit pigineqartumi najungaqarsimasut immikkut ittumik inigisaminnik akikillisaavigineqarsinnaanerisa periarfissinneqarnissaat matumuuna ujartorpara.

Tassami Naatsorsueqqissaartarfiup paasissutissaatai naapertorlugit, nunatsinni inuit ilaqutariillu isertitakinnerpaat 70 % sinneqarput. Taamaattumillu qularnanngitsumik ilaqutariit inigisaminniit anisitaasartut amerlasoorujussuullutik.

Qanoq nuannertigissangaluarpa – ilaqutariit pissakittut akiliisinnaassusaannut naapertuuttumik namminerisaminnik illutaarsinnaanerit inatsisitigut periarfissarsinneqarsinnaasuuppat. Tassami naluneqanngilaq BSU nunatsinni atuutilersinneqaaqqaarmat ilaqutariit aningaasaateqarnerpaajunngikkaluartut BSU

aqqutigalugu erniakitsunik ilaqutariillu akiliisinnaaneranmut naapertuuttumik taamanikkut aqqissuussisoqarneratigut ilaqutariippassuit namminerisaminnik illutaartinneqartarput.

Aamma naluneqanngilaq nammineerluni illuliorsinnaanermut periarfissat pingaartumik nunaqarfinni atorluarneqarsimasut, kisiannili ukiuni kingullerni piumasaqaatit sakkortusineqarmata periarfissat taamaattut ilaqutariinnit pingaartumik akissaatinnerusunit atorneqarsinnaajunnaarsimapput.

Kiisalu naggataatigut aamma paaserusuppara atorfillit, atorfillit atorfimminnut atatillugu inimik neqeroorfigineqartillutik inip iluarsaanneqarnerata ajornera allatulluunniit ajoquteqarnera pissutigalugu narrusinnaatitaanersut ?

Ullut suliffiit qulit qaangiutinnginnerani akineqarnissara kissaatingaara.